



30. juli 2012

Inatsisartut suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara:

**Naalackersuisunut apeqquq:**

**Arctic Green Food-imut kiffartuussinissamik isumaqatigiissuteqarnermut atatillugu Napasumi tunitsiviup ammatinneqarnissaa ilanngullugu piumasaqaataava?**

**Napasumi tunitsiviup ammatinneqarnissaa ilanngullugu piumasaqaataappat Napasumilu tunitsivik ammatinneqarnani tamanna Naalackersuisunit qanoq kinguneqartinneqassava?**

**Arctic Green Food-imut kiffartuussinissamik isumaqatigiissuteqarnermi tunitsiviit allat sorliit ilanngunneqarsimappat?**

**Kiffartuussinissamik isumaqatigiissutip malinneqarnissaa qulakkeerniarlugu Naalackersuisut qanoq sunillu iliuuseqarpat?**  
(Inatsisartunut ilaasortaq Karl Lyberth, Siumut)

**Tungavilersuut:**

Arctic Green Food Napasumi tunitsivimmik ingerlatsisuummat naatsorsuutigivara kiffartuussinissamik isumaqatigiissummut tunitsivik pineqartoq ilanngunneqarsimassasoq. Ullumi 30. juli 2012 paasitinneqarpunga Napasumi tunitsivik ingerlanngitsoq, arnarluillu suaat tunisaajunnaarmatali ingerlasimangitsoq.

Kiffartuussinissamik isumaqatigiissut malillugu Arctic Green Food piussaavoq tunitsivinnut kiffartuussinissamik isumaqatigiissummut ilaatinneqartunut tamanut qulakkiissallugu aalisartunut piniartunullu tunisisitsinissamut periarfissaqartoqarnissaa. Taamaattumik paaserusunnarpoq isumaqatigiissut malillugu tunitsiviit sorliit pineqarnermut, isumaqatigiissullu malinneqanngippat qanoq kinguneqartinneqassanersoq.

Kissaatigaara apeqquqteqaatikka ullut suliffiusut qulit iluanni akineqareersimanissaat.